

Šuga

– Informacie vaš i pacientora

Avgo informacie

I šuga si mortikakoro nasvalipa so kerela ola kirmo baro paše 0,4 mm. I džuvli čhivela pe ki mortik vi gote bijanola ple jare. I mortik bare manuškiri si infektivirime 10-15 kirmencar. Ulavdo numero manuša kišle imunitetea tromana te nasvaljoven tari, „norvedijakiri šuga“ ja „bari čuga“. Godolen sakana si majbaro numero kirme ko plo badani vi si majinfektirime. Ko palune berša si majbaro nivelo tari šuga ko komunalna vi sastipaskere institucie.

Sipmtomora

Pendžarde simptomora andari šuga si baro haroviba, ulave račasa. O haroviba si majbuter fori ko thana kote so i motik si sani, sar maškar o parmakora, telo kaka vi andar andruni rig taro vasta vi pundre, ko manuškere genitalie vi badravice vi pupko. Kamel te ikljoven vi čhiro andi mortik jeka jek sar eczema.

Vakti vaš i inkubacia

O vakti vaš i inkubacia si vakti tari saslariba dži sikaviba o simptomia. O vakti vaš i inkubacia vaš i šuga si 2-10 kurke. O manuškamel te ovel infektivno vaš i vakti tari inkubacia. Pali dajek fori infektirime andari šuga o jeka jek manušk, o vakti vaš i inkubacia kamel te ovel 1-4 divesa.

Astaribe

I šuga astarela pe trujal paše, nekana kontinuirime badaneskoro kontakti, pobuter fori majbaro andar panč dakikia. Šeja, krpe vi sojbaskere čaršafija kamen te buvljaren o nasvalipa. O kirme adari šuga phirena palal tati mortik, numaj na tromana te hutun vi te ujran. Naj dar andaro astariba šuga kana si tumen tikno kontakto e mortikaja, sar kana den tumaro vast.

Dijagnostika

I dijagnostika si kerdi te si dikle kirme andari šuga kana kerela pe dikljariba mikroskopea.

Tretmano

- Majpendžardo tretmano važ i majpureder: pajnalipa so mudarela e kirmen andari šuga. Samale diken o hramoviba ande drapi.
- Thoven tumaro badani sahne. Šukaren ole samale. Samaja makhen maškar o pundrengere parmakora, o parmakora ando vasta, o pundre upral kočaka vi o badaneskere genitalie. O naja kamena pe te čhinen pe vi te maken pe e drapeskere pajnalipaja.
- Ačhaven o drapeskoro pajnalipa ando badani 24 aria vi či thoven ole vaš i kodo vakti. Te kamen te thoven tumen ja nangjoven, makhen tumen dajek fori e drapeskoro pajnalipa ande thovde kotora andaro badani. Kodo kamel pe te ovel pe godi pali tovibe vasta ja ikalipe pherne.
- Thoven e drapeskoro pajnalipa palal 24 aria. Ikalen tumare šeja, sojbaskere čaršahora, krpe vaš i vasta vi vaš i nangjoviba. O urade šeja kamel pe te thoven pe ja te si šaipe te ikalen pe avrijal ki hava panč divesa. Či bistren o rukavica, menie, bukakere šeja vi o šeja vaš i sporti.
- Kana ka agorkerel o tretmano, nae dar andari infekcia. Sakana jek tretmano si lače.
- Sa o džene andari familia vi lengere majpaše, sar murša, čheja vi amala kamela pe te sasljaren pe ko jeka jek vakti.
- O tretmani isi šajpe te kerel loli i mortik, duk vi šuki mortik. Vi kodoleske kamela pe te len krema te kamela pe tumengje pali o tretmani. Ando nesave čipote kamela pe te makel pe vi krema kortizonea. Isi šaipe ne nakhen nekobor kurke dži na nakela o haroviba. O haroviba kerela ole i reakcia andari ačutne mule kirme.

>>>

Užariba

O kirme e šugakere mangena o hošiba ando tato vi dehidracia. Pobuter fori merana palal 2-3 divesa andi kamrakiri temperatura ja andi normalnikano pajnalipa andi hava.

Thoven o uravde šeja vi e sojbaskere čaršafija andi mahina pe 60 ° C

- Buljaren avrijal thaj ikalen o šeja vi o menie so na kamena te thoven pe majhari panč divesa.
- Ikale e sojbaskere čaršafora, užaren vi ikalen pe hava e dušekoskere učarina, o tepikora, jastukia vi čebedes majhari 5 divesa.

Aktivitetora save lena pe andi hospitali vi kolektivna apartmaneskere thana

Kana si tumenge atestirime ja si šaipe vaš i šuga, ka oven korkori pe tumari kamra. Vaš kodo vakti ka del pe tumengje hajbe andi kamra.

Poadarutne aktivitetora

Pobuter fori na kamena pe.

Ring 1177 for health care advice in English/Swedish or visit www.1177.se/Halland/other-languages